

## Transkription von Urkunde SAW 1454b

Ort, Datierung: Salzwedel, 1454-12-09

Signatur: Stadtarchiv Salzwedel, 362/11

Inhalt: Rat der Stadt Salzwedel: Rentenbeleg

Wy Tide brunow Hans almpstede Clawes rekeling Hans wopeld Clawes moller Otto fyntzelberch Heyn  
prisser / Kersten schulte Arnd cossebu werner wittekopp Hinric gladegow Tide wolt(er)wolt(er)s  
Mente va(n) gawell lambr(e)cht / bade Herm(e)n lysten wichard sch(er)mer wilhelm burmeyster(s)  
vnd(e) Hans boek Rattmann(e) to Soltwedell bekenne(n) apen/bar tugende vor alliszwem(e) In  
dessem(e) briue Dat Gerke pottinemaker yn vnsir yeghenwardicheyt myt vorbe/raden mode hefft  
bescheyd(e)n gelauet vnd(e) gewilkoret myt krafft desser briues yn vnd(e) an syner Boden by hej(e)n /  
gisen vppe dem(e) lodyke beleg(e)n vnd(e) vth synem(e) redest(e)n gude wor hee dat hefft Teyn  
m(a)rck pe(n)ning(e) vnsir Statt / wering(e) Twe grap(e)n nicht <sup>1</sup> nicht de best(e)n ock nicht de  
ryngesten eyne tenne(n) kanne(n) va(n) twen pe(n)ni(n)g(e)n / birs vnd(e) alszodann(e) beddewant  
vnd(e) kiste alsze dar to hort vnd(e) sze sijck bruket , Des to mer(er) tuchnisse / is vnsir Statt  
Ingesezell myt vnsir witschopp vnd(e) fulbord gehang(e)n nedd(e)n an dess(e)n Briff na (cristi) gbord /  
vns(es) her(e)n virteynhundert Jar(e) dar na In dem(e) veervn(de)vefftigist(e)n des Mandag(es) p(os)t  
Concept(i)o(n)is Marie / v(ir)ginis , , /

---

<sup>1</sup> **nicht** ist durchgestrichen, danach nochmals eingefügt